



Kempton Park Streek

Herfs uitgawe · Maart 2017

1. Uit die pen van ons Voorsitter
2. Kempton Park Streek Statistiek
3. Nuutste Nuus
4. Donkey Derby Aand
5. Lets vir ons jeug
6. Sionsbergh & Onverwags Kampe
7. Resep geborg deur Woodlands

Redakteur — Johan Chatwind

Uit die pen van ons Voorsitter

Dagsê SAWA Vriende,

Met drie van ons streeksaamtrekke reeds agter die rug, het die jaar al stewig aan die gang gekom! Ons eerste twee saamtrekke te Sionbergh en Onverwags was bo verwagting droë naweke gewees tensy die daarvan dat baie reën voorspel is. Die bietjie reën wat wel geval het het geensins die genot van die onderskeie naweke gedemp nie en daar is heerlik met beide geleenthede gekuier.

Ons was bevoorreg om die naweek by Sionbergh saam met Luiperds te kon kuier en was dit nie 'n fees nie! Ons kampkommandante vir die naweek was Francois en Wilma wat gesorg het vir speletjies en vermaak om die lagspiere goed aan die gang te kry! Ons vriende van Luiperds het heerlik saamgekuier en Francois Storm moet die skuld dra vir meer as die helfte van ons seer lagspiere!

Ons saamtrek te Onverwags Wildsplaas aan die einde van Februarie was net so heerlik en ons is behoorlik bederf deur ons kampkommandante Vossie en Yvonne Vorster. Vrydagdaand se vetkoekburgers was 'n eerste vir meeste van ons en dit was heerlik! Saterdagaand is ons bederf met 'n heerlike potjiekos wat gesorg het dat almal met vol magies heerlik kon gaan slaap! Dit was ook ons voorreg om vier gesinne as gaste te kon hê die naweek en ons sê dankie vir André en Zelda, Alwyn en Linda, Karen en Ernest en ook vir Duncan wat saam kom kuier het. Vossie en Yvonne se kinders en kleinkinders het ook die naweek kom saamkuier en dit was ons voorreg om vir Duncan, Elzet en klein Abigail so te kon groet voor hulle vertrek na die land van die Silwervaring waarheen hulle verhuis het. Ons bid vir hulle alle seën en voorspoed toe daar in die nuwe omgewing!

Ons derde saamtrek van die jaar oor die naweek van 24 tot 26 Maart te Malonjeni was 'n bietjie teleurstellend aangesien ons net vier woonwaens was wat kom kamp het. Dit was nogtans baie aangenaam om 'n rustige naweek te kon geniet in die Boskamp van Malonjeni waar ons die program omver kon gooi en "maak soos ons smaak"!

Ek wil graag van hierdie geleentheid gebruik maak om vir een en elk wat betrokke was by ons streek se baie suksesvolle "Donkie Derby" baie, baie dankie te sê. Aan ons hoofborg, BNI Ekhuruleni baie dankie! 'n Klompie van ons lede is lid van hiedie sake netwerk organisasie en dit is ons voorreg om met hulle assosieer te kan word! Aan elkeen van ons wedren borge, perd (donkie) borge en elke SAWA lid, familielid of vriend wat die aand teenwoordig was ook 'n baie groot dankie! Dit is ook my voorreg om langs hierdie weg 'n spesiale woord van dank te rig aan twee van die SAWA Nasionale Bestuur se lede, voormalige Streek Kempton Park lede, wat ons so wonderlik gehelp en ondersteun het! André Knoetze en Rudi Kleynhans julle is ysters en ons as streek het geweldige groot waardering vir julle hulp en bystand! Julle is ware SAWANANTE!

Die volgende baie belangrike geleentheid op ons SAWA kalender is die Presidente saamtrek te Klipdraai tydens die Paasnaweek. Ons hoop werklik om 'n groot klomp van julle daar te sien! Tydens die Saterdag se Kermis is dit Streek Kempton Park se voorreg om weereens die wynveiling aan te bied en ek wil graag 'n beroep op ons lede doen om by almal wat julle ken 'n bottle of twee (of drie!) se wyn vir ons te bedel en te skenk wat opgeveil kan word om SAWA se Nasionale Kas aan te vul. Onthou hierdie jaar is die Nasionale Kongres in die Kaap (Ouskip) en dit bring uiteraard baie meer kostes as normaalweg mee.

Kom ons nader die kampeerders in ons gemeentes en gemeenskap. Nooi hulle om 'n keer of wat saam met ons te kamp. Dan doen ons graag 'n beroep op ons bestaande lede, vriende, hou kontak en laat weet ons van enige moontlike probleme dat ons dit betyds kan probeer oplos. Ons wil nie graag ons lede verloor nie.

Vriende voorspoed vir julle almal en ons hoop om julle binnekort weer by 'n saamtrek te sien!



Hartlike SAWA groete

JOHAN JACOBS





2016-2017





Nuutste Nuus

2. Nuutste Nuus

- 2.1 Bank besonderhede
- 2.2 Matriekafskeid uitslae
- 2.3 Verjaarsdae vir Januarie — April
- 2.4 Lief & Leed
- 2.5 Bemarkings Koördineerder—"Facebook"
- 2.6 Hoe om jou gewig reg te kry van jou woonwa
- 2.7 Ons SAWA Nasionale Dagbestuur
- 2.8 Wie is ons Skakelbeampte by SAWA



SAWA Bank besonderhede

Suid-Afrikaanse
Woonwa-Assosiasie
SAWA



South African
Caravan Association
SACA

Jaarlikse **ledegeld** word in die rekening inbetaal (as jy nie 'n debietorder het nie). (Onthou om asb jul lidnommer as verwysing op te sit)

Ledegeld word jaarliks hernu: Pensioenaris - **R330.00 of D/O R 320.00**

Gewone lid: - **R340.00 of D/O R 330.00**

Nuwe aansoek :**R120.00**

'n Bestuurslid sal jou daaraan herinner en asook 'n kommunikasie sal uitgestuur word aan lid.

SAWA Hoofkantoor

ABSA Boksburg

Rek no: 230-155-771

Tak kode: 334-342

- 0 0 O 0 0 -



SAWA Kempton Park Streek

In hierdie rekening word alle **kampgeld** inbetaal. (Onthou om asb jul lidnommer as verwysing op te sit)

ABSA Kempton Park

Rek no: 650-150-333

Tak kode: 334-642



Baie geluk aan die volgende 2 studente wat in 2016 met vlieënde vaandels hul matriek geslaag het met onderskeidings. Voorspoed met jul studies in 2017.



Nisjinka Collette—2 onderskeidings -
Hoërskool Kempton Park.



Celine Jansen van Rensburg—onderskeidings en vrystelling van Hoërskool Swartland, Wes-Kaap

Januarie

04—Elize Strooh
09—Piet Strooh
11—Dyan Olivier
17—Hermien Chatwind
19—Celeste Botha
25—Willie Badenhorst
26—Zhandri Knoetze
30—Mariette Erasmus



Februarie

11—Erika Steyn
12—Lizané Erasmus

Maart

02—Chanté Van der Merwe
06—Cheron Harris
10—Dimitri Botha
10—Wayne Harris
19—Stella Coleske
24—Stephan Brink
26—Rassie Smit
27—Paul Fouche



Johan & Mariette Jacobs gaan weer groot ouers word van Willie & Mariaan Jacobs

Johan & Hermien Chatwind vier hul 33ste huweliksherdenking



Meegevoel aan Yvonne Vorster met die afsterwe van haar broer.

Vossie & Yvonne Vorster het met 'n swaar hart afskeid geneem van hul dogter Elzet , Duncan & Abigail Pirie wat in Maart verhuis het na New Zealand.



Bossie Bosman se seun Tersius het Februarie na Australië verhuis.

Bemarkings koordineerder



Tydens ons Februarie vergadering is daar besluit om 'Vossoe Vorster as Bemarkings koördineerder aan te stel .

*Ons het 'n SAWA Kempton Park groepblad geskep op Facebook
(<https://www.facebook.com/groups/648578831992052/?ref=bookmarks>) .*

Hierdie groep is daargestel om die aktiwiteite van ons streek te bespreek en met ander te deel. Hier kry jy dus die geleentheid om jou fotos en wedervaringe van saamtrekke wat jy bygewoon het met almal te deel. Ons sal ook poog om die besonderhede van toekomstige kampe hier te plaas.

Ons wil vra dat jy by die groep sal aansluit asb. en jou FB vriende ook te nooi. As jy sukkel, stuur vir Vossie (dievorsters@absamail.co.za) jou FB naam en hy sal jou lidmaatskap aktiveer. Die plasings moet asb. streng verwant wees aan ons klub en kamp aktiwiteite. Nie-verwante plasings sal verwijder word. Kom ons hou dit skoon en netjies asb. Hierdie is n besprekingsgroep blad wat nie verwarring moet word met die FB blad nie, wat ons binnekort gaan kanselleer

facebook

GEWIGS VERANDERINGS - KEMPTON CARAVANS 2016



HOE OM JOU GEWIG REG TE KRY VAN JOU WOONWA

1. Maak 'n afspraak met Kempton Karavane en bring die volgende dokumentasie saam:
 - Natis Dokument – Kan 'n afskrif wees;
 - ID – gesertifiseerde afskrif;
 - Bewys van adres (nie ouers as 3 maande);
 - Enige ander fakture rakende ekstra's wat op die karavaan aangebring is soos lugversorgers, "Powermovers" ens.
2. Kempton Karavane sal dan die woonwa na 'n weegbrug neem vir die gewig sertificaat asook vir 'n padwaardigheidsertificaat.
3. Die karavaan moet asb. dieselfde dag weer opgetel word. Kempton Karavane sal dan al die papierwerk in orde kry en instuur vir gewigsverandering, nl. die volgende:
 - Weegbrug sertificaat
 - Padwaardigheidsertificaat
 - Voltooide CNV vorm
 - Brief vir Tarra en GVM gewigte
 - ID
 - Bewys van adres
4. Sodra die gewigsveranderings gedoen is sal die hernuwingslisensie uitgeneem word namens die kliënt deur Kempton Karavane. Die proses is dan in die hande van die municipale lisensiekantore. Kempton Karavane kan glad nie aanspreeklik gehou word vir die tydsduur vir die verandering nie.
5. Sodra Kempton Karavane die dokumentasie ontvang het vanaf die lisensiekantore sal ons 'n nuwe gewigsplaatjie laat druk wat ooreenstem met die lisensie.
6. Kostes daaraan verbonde is R3500.00 belasting ingesluit, maar word aan al SAWA lede aangebied teen R2500.00

DEFINISIES

1. Tarra = ongelaaide massa van die woonwa soos deur die fabriek verskaf (uitgesluit die battery, patio en pale. Ingelusit die spaarwiel, leë gasbottel, breekware en fabriek gemonteerde items)
2. GVM = maximum gelaaide gewig van jou woonwa
3. Volgens regulasie moet die Tarra van jou SLEEPVOERTUIG gelyk aan of meer wees as die GVM van die WOONWA.

Kontak Marcelle by Kempton Karavane vir enige verdere vra of onsekerheid op 011-974-5595 / 0825722460

*Rudi Kleynhans
Nasionale Skakelbeampte*

Familie

soos **takke** aan 'n **boom**
groei ons almal in verskillende rigtings,
maar ons **wortels** bly as een.



NASIONALE DAGBESTUUR

VOORSITTER	ONDERVOORSITTER	PRESIDENT
Jurie Dreyer jdreyer@absamail.co.za 082 776 0128	Andre Knoetze andrepro@lantic.net 082 882 8102	Nico Spaumer nicosp@vodamail.co.za 084 569 2106
SEKRETARIS	PENNINGMEESTER	WEBBLAD REDAKTRIE
Andre Swanepoel Aenv.swanepoel@gmail.com 082 779 3245	Wynand Theron wynand.theron@avisfleet.co.za 082 881 7279	Diana Fourie sawa.saca@gmail.com 082 940 2612
SKAKELBEAMpte	SAWA-KANTOOR:	REDAKTRIE
Rudi Kleynhans rudi.kleynhans@nac.co.za 083 789 0930	Administratiewe beampte Juliana Knoetze sawa@absamail.co.za	Marianne Erasmus Sawanant1@gmail.com 082 890 2019
SAWA-WEBADRES: www.sawa.org.za		



Vlnr: Wynand Theron (Penningmeester), Rudi Kleynhans (Skakelbeampte), Jurie Dreyer (Voorsitter), Nico Spaumner (President), André Swanepoel (Sekretaris), André Knoetze (Ondervoorzitter)

Nuwe Skakelbeamppe

RUDI EN ILZE KLEYNHANS



Rudi, Ilze en ons enigste kind Lizanne Kleynhans sluit aan by SAWA Kempton Park in 2008. Ons was en is gereelde kampers wat die buitelewe terdeë geniet. Ons braai graag en kuier oor 'n glasie van ons keuse, maar verslind ook Sushi. Wanneer ons nie kamp nie kuier ons graag saam met Lizanne, Sias (Lizanne se goeie vriend wat deel is van die familie) en vriende. Rudi is 'n Helikopter ingenieur en ook die Toesighouer en Diensbestuurder. Rudi werk vir National Airways Corporation en is verantwoordelik vir die Robinson Helikopters. Ilze is 'n Senior Stadsbeplanning inspekteur. Deel met onwettige besighede. Ons dogter Lizanne is amper klaar met haar helikopter lisensie. Aangesien Rudi en Lizanne albei hulself in die vliegindustrie bevind word daar kranig oor die vliegindustrie gesels en soveel as moontlik byeenskomste bygewoon. Ons is, soos en wanneer die weer dit toelaat, langs die aanloopbaan wanneer Lizanne vlieg. Rudi reis dikwels vanweë werksverpligte na die buitenland en gebeur dit dikwels dat hy land, woonwa hak en camp toe ry.

Rudi word toe verkies tot Batehouer in 2008 en kort daarna as Ondervoorsitter van Kempton Park. Aangesien Kempton Park Streek gedurende hierdie tydperk ongekende groei getoon het, is daar toe besluit om Satelliet Rietfontein te begin en was Rudi die sameroeper en eerste Voorsitter van Streek Rietfontein. Gedurende hierdie tydperk word hy genomineer en verkies tot Gebiedsvoorsitter van Oosrandia waar hy vir SAWA vir 2 jaar as Gebiedsvoorsitter dien.

Ilze doen ook haar deel binne SAWA. Nie net ondersteun sy vir Rudi, sorg dat daar genoeg "koeldrankies" is om te geniet nie, maar dien sy ook op die Besture van onderskeidelik Rietfontein en tans Oosrand. Sy het ook gehelp met plasings op die ou Webwerf. Tans dien sy as Sekretaris by Streek Oosrand.



Kamp is aan die orde van die dag by die Kleynhansse aangesien ons in die tyd vandat ons Sawanante is, slegs 3 kampe gemis het en verlede jaar die babas by Gebied Jakaranda se 100+ kamp was.

Ons is opgewonde oor die jaar wat voorlê met Rudi wat op Dagbestuur dien en beskou dit as 'n groot eer en onderneem verder om ons allerbeste diens aan alle Sawanante en die organisasie te gee.

Rudi en Ilze Kleynhans



Plek: Marlieus Saal, 75 Pomonaweg, Kempton Park

Datum: 4 Maart 2017

Bestuur wil graag dankie sê vir elke lid wat die projek 'n sukses gemaak het deur te help met die kaartjie verkoop en om borge vir die geleentheid in te win.

Daar was 92 Kaartjies verkoop.

Ons kan met trots sê dat ons R 10,210 ingesamel het vir ons Streek daarna aand.

Ons wil ook dankie sê vir



Ekhuruleni wat die

Hoofborg was vir die funksie. Die Voorsitter Mariëtte Jacobs het die verskillende "Chapters" voorgestel.

Joleen Jacobs, Vise-president van BNI Tenacity in Boksburg

Gerhard Jacobs, President van BNI High Flyers in Kempton Park

Howard Liebman, President van BNI Summit in Edenvale

Mariette Jacobs, Senior Direkteur van BNI Ekurhuleni area

Charlene Chamberlain, President van BNI Boost in Benoni



BNI is 'n wereldwyre besigheids-netwerk groep wat aktief is in 68 lande, en leer hulle lede al 32 jaar lankhoe om hul besighede te groei deur middel van persoonlike verwysings.

Verdere inligting oor BNI kan bekom word by www.bni.com en www.bni.co.za



Die kaartjie verkope het goed afgeloop vir elke wedren en gaste het ons toegestroom om op hul Perde te wed.



Hermien Chatwind, Chantelle Badenhorst, Mariette Jacobs, Hannelé Badenhorst





Dit was groot pret en almal het dit baie geniet en LEKKER gekuier.





En die wedrenne het begin n en die skare raak angstig !!!!





Selfs om Kroegman—Francois Lubbe het bygedra tot die gemoeds stemming van ons lede



Die kos was uit die boonste rakke, smaaklik en die kospotte het nie hul einde geken nie.



Iets vir ons jeug en Oues van dae

Iets vir ons jeug en Oues van dae



2017 Kampe

Sionsbergh

Luiperds Kampnuus:

Sionbergh
27-29 Januarie 2017

Daar gebeur dit toe uiteindelik weer, die eerste kamp vir die nuwe jaar!!!! Vrydag 27ste Januarie 2017 trek 4 Luiperds laer by Sionbergh. Hierdie keer saam met Streke Kempton Park en Vaalrivier. Wat 'n voorreg was dit nie om weer saam met vriende en familie te kuier nie. Glo dit as julle wil, maar ons het nogal 'n hele paar (2 pare) seniorburgers ook gehad wat kom saam kamp het. Nadat daar nes geskrop is en lekker gesmul is aan die boereworsrolle wat deur Kempton Park aangebied was, is daar toe stiptelik om 20:00 weer soos gewoonlik boeke gevat met Francois Nel en Johan Jacobs wat voor gegaan het. Na boekvat is daar vinnig registrasie gedoen waarna ons lekker gekuier voordat die kooi opgesoek is.

Saterdagoggend 07:00 het 'n paar manne gaan stap om van die oorgewig ontslae te raak. Phillip en Ans Opperman sluit toe eers Saterdagoggend by ons aan aangesien hulle nog ander verpligte gehad het saam met Suikerbosrand wat by Bloekompoort gekamp het. Stiptelik om 09:00 het Francois Nel weer vir ons die dag begin deur boeke te vat waarna daar 'n lekker gesamentlike ontbyt gemaak is voordat elkeen sy eie ding in en om die woonwaens gedoen het. Om 15:00 is daar lekker saam gekuier en baljaar met Kempton Park wat die vermaak gereel en aangebied het. Daar was lekker gekuier en groot vriendskappe is gesmee en dit nogal met wildvreemde mense wat jy vir die eerste keer gesien en ontmoet het, wys jou maar net SAWAstreke kan gemaklik bymekaar inskakel en saamwerk om van enige naweek 'n sukses te

maak. Die Luiperds het ook nie op hulle laat wag nie en daar was met groot entoesiasme en waagmoed aan al die aktiwiteite deelgeneem. Na die speletjies wat deur almal bygewoon en geniet was, het ons 18:00 almal weer bymekaar gekom het vir gesamentlike braai.

Sondagoggend 07:00 het dieselfde manne van die vorige dag weer gaan stap en weer vir dieselfde rede. Stiptelik om 09:30 het al die streke bymekaar gekom om 'n gesamentlik erediens te hou, wat deur Oom Frans Klopper waargeneem is. Wat 'n boodskap was dit nie? "Jy mag maar Oom Frans!". Na die erediens het elke streek op sy eie afsluiting gehou. Daar was nie "varkies uitgedeel nie aangesien ons slegs 5 gesinne was en niemand hulle swak gedra het nie. Peet het dit nogal vrygespring aangesien hy nie sjampanje vir die nuwe bakkie gebring het nie, ons sal hom maar by die volgende kamp reg sien.

Die Luiperds het na afsluiting vinnig opgepak waarna almal afgesit het Heidelberg toe om 'n lekker vroeë middagete by die SPUR te nuttig waarna elkeen op sy eie tyd en spoed huiswaarts gekeer het. Aan almal wat saam gekamp het, baie dankie vir julle betrokkenheid en samesyn. Dit was voorwaar 'n lekker kamp, julle mag maar weer volgende keer saam kom kamp. Die van julle wat dit nie kon maak nie, sal seer sekerlik na dat julle die verslag gelees, en die foto's onder oë gehad het 'n poging aanwend om die volgende saamtrek mee te maak. Van die volgende saamtrek gespraa, ons volgende kamp is die 24-26ste Februarie te Bush-Inn in Springs. Dit beloof om weereens groot pret te wees. Hoop om julle almal daar te sien.

Tot 'n volgende keer!
Luiperds Kampgroete
Peet Venter

2017 Kampe

Sionsbergh



Boeresports was voorwaar 'n wenner! Daar is gebraai en heelik saam Kempton Park gekuier



2017 Kampe



2017 Kampe

Onverwags

Oorhandiging van Kampkommandante plaatjie –



Johan Jacobs – Voorsitter

Vossie & Yvonne Vorster

Dankie vir die heerlike naweek julle 2.

Oorhandiging van 50ste Streeks Aansporingsplaatjie –



Johan Jacobs – Voorsitter

Cindy & Andre Olivier

Besoekers vir die naweek



Andre & Zelda Botha
Alwyn & Linda Fouche
Duncan Kenney
Karen & Ernest Chuole
Duncan

Geen moeite drankie



= MOEILIKHEID
(Maar hoe proe dit?)

Dit proe soos NOG!)